



# Bakgraon Infomeisen

## Blong Intanet Kafe Sapot (ICS) Program:

**Blong help blong setemap ol ples we pablik i save aksesem Intanet long hem, mekem se ol pipol we oli liv long Vanuatu oli gat gudfala akses long Intanet oltaem**

Wan program blong Gavman blong Vanuatu i setap blong provaedem fand e ko long 10 lokol bisnis long rurol mo ol komiuniti we oli no kasem inaf sevis blong bildim ol Intanet Kafe. Olgeta Intanet Kafe ia bambae oli givim long ol komiuniti akses blong komputa mo wan WIFI netwok we tufala tugeta i konekt long Intanet.

DFAT tru long Australia-Vanuatu Governance for Growth (GFG) Program nao i fandem program ia. Ofis blong Jif Infomeisen Ofisa blong Gavman (OJIOG) long Ofis blong Praem Minista hemi provaedem polisi gaedens long program ia. Bambae Telekomuniikeisen mo Radiokomiunikeisen Reguleita (TRR) nao bae hemi implimentem program ia.

Program ia hemi wan paelot program, mo hemi stap blong helpem samples 10 bisnis long wanem oli stap traem blong mekem blong provaedem Intanet akses long ol kastoma.

Anda long Intanet Kafe Sapot Program, olgeta lokol bisnis oli save aplae from wan wantaem grant nomo blong wan amaon blong 1 milion Vatu mo yusum ol fand ia blong adem intanet Kafe olsem wan pat blong bisnis blong olgeta. Olgeta lokol bisnis ia oli MAS yusum fand ia blong mekem bisnis long saed blong Intanet Kafe nomo.

Hemi impoten blong save se afta we oli givim fesfala fanding ia bambae i no gat narafala fanding moa. List we hemi stap daon ia hemi ol bisnis wei mifala i enkarejem olgeta blong oli aplae. List ia hemi no eksklusiv, ol narafala bisnis tu we oli no stap long list ia oli save aplae:

- Olgeta Koperativ blong ol Komiuniti
- Olgeta Jenerol Sto
- Spesel Sto (sto blong salem kaka, Fish maket, Elektronik sto, etc.)
- Olgeta Restaurant
- Olgeta Bangalow
- Ol intanet kafe bisnis wei e setap finis bei wantem extendem bisnis e ko lo rural mo remote komunitis
- Etc..

Blong mekem projek ia i wok bambae olgeta bisnis ona mo wokman oli nid blong mekem olgeta impoten samting ia:

- Provaedem wan bisnis plan we i gat ditel long olsem wanem yu plan blong pem ongoing Intanet Sevis, ekwipmen sevis mo riplesemen blong ol ekwipmen we oli brok. Tekem note se wan wei blong save mekem mane hemi tru long fasin blong inkrisim bisnis tru long ol Intanet sevis we hemi save ofarem.
- Provaedem wan skejuol blong ol taem we bae yu salem intanet sevis long komiuniti.
- Mekem aweanes long komiuniti blong yu long saed blong yus blong intanet mo provaedem wan ripot long intres blong lokol komiuniti.
- Provaedem wan plan long olsem wanem yu wan bae yu yusum intanet blong helpem bisnis blong yu.
- Raisem mani o tekem wan lon blong pem eni materiol we grant ia ino kavremap, be yu nidim blong finisim program blong intanet blong yu.
- Ripotem oltaem progres blong projekt long TRR, wanem hemi wok mo wanem hemi no wok mo evaluateitem ol sakes mo felia blong implimenteisen.

Hemia hemi wan sotfala list blong ol samting we oli rikwaerem we yu save pem tru long mani blong grant, o tru long bisnis fand blong yu, o tugeta fand ia. Ful list blong ol rikwaemen ia i stap long Anex 2. Tekem not se bae oli lukluk fastaem long ol bisnis we oli save raisem bigfala pat blong fand we oli nidim:

- Wan aktiv Intanet koneksen inkludim modem, routa, antenna, mo WIFI Akses Poen
- Wan ples we hemi sef blong yusum mo storem olgeta ekwipmen we oli sef tu long ol samting olsem ren, Solt spreya, kolkol, hot, dust, etc...
- Gat 2 o moa kompiuta blong olgeta memba blong komiuniti we oli nogat laptop oli save yusum blong aksesem intanet. Olgeta kompiuta ia oli ol laptop o desktop. I nogat wan maximum namba blong ol laptop, be bisnis plan blong yu i mas talem stret namba, mo oli se sipos hemi moa long 6 kompiuta wetem 2-3 spea wan, i mas gat gudfala jastifikeisen blong hem.
- Paoa blong evri samting ia we hemi paoa blong jenereta (we i gat wan gudfala reguleita, graonding, regula fiul saplae, ol ples blong storem fiul, etc..) o sola paoa (we i gat gudfala Pure Sign wave inveta).
- Fan blong mekem se hot ea ino bildap raon long ekwipmen we oli talem antap ia.
- Ofis spes mo fasiliti inkludim foto kopi masin mo skana

Sipos yu intres tumas long Intanet Kafe Sapot Program blong mekem mani blong bisnis blong yu, fulumap ICS aplikeisen fom mo sendem i go long TRR, long infomeisen kontak ia, bifo **4:00pm long Fraedei, 18 July 2014**.

Grant Aplikeisen Fom (UAP)

Telekomunikeisen & Radiokomunikeisen Reguleita

P.O. Box 3547

Port Vila

Vanuatu

Telefon: 27621 Faks: 27440 Imel: [almawensi@trr.vu](mailto:almawensi@trr.vu) or [jeffreyla@trr.vu](mailto:jeffreyla@trr.vu)

Proses blong aplae from fand ia i go olsem:

1. Bae oli evaluetem ol proposol folem kwaliti mo sakses blong olgeta
2. Bae oli askem long ol 10 o so saksesful apliken we oli kasem hae reit blong oli tokbaot mo negosieitem wan faenol plan mo saenem wan kontrakt we i kavremap projek ia
3. Bae oli givim ol awod mo bae eksekusen stej bae hemi stat
4. Ol aplikeisen we oli no saksesful olgeta bae oli kipim olgeta long fael in kes i gat moa fand bae i availebol long fiuja.

Blong statem proses, plis fulumap infomeisen lo ICS aplikeisen fom.

## **SKORING**

E kat wan komiti wei e setup blo selektem ol aplikeisen. Komiti ia oli kolem, Grant Riviu Komiti (GRC), mo hemi medap lo Telekomunikeisen & Radiokomunikeisen Reguleita (TRR), Jif Infomaesen Ofisa blong Gavman (OGCIO) mo Direikta blong Australia-Vanuatu Governance for Growth(GfG) program. Bambaie komiti ia e assessem olgeta aplikeisen follem skoring kraeteria ia:

Hemi soemaot level blong komitmen blong ol bisnis ona mo staf:	25%
Pesentej blong grand fand we oli matchem wetem fand we bisnis blong yu i mekem:	25%
Posibiliti blong long tem, sastenebol sakses:	25%
Akses long ol staf we oli kasem trening long saed blong komputa, paoa, mentenens mo opereisen:	15%
Soemaot intres blong developem lokal edukeisen mo kaljurol kontent long lokal langwis mo Bislama:	10%
<b>Total:</b>	<b>100%</b>

Antap long hem, oli save riviim ol aplikeisen folem distribusen blong olgeta long ol aelan mo distribusen folem hae, medium mo low level blong difficulti blong alowem ekwal akses blong opotuniti ia mo blong mekemsua se i gat wan hae level blong sakses. Mifala i enkarejem evri kaen bisnis blong aplae from fanding ia mo bae mifala i lukluk long evri aplikeisen. Oli stap lukluk blong jusum sam paelot skul long ol veri rimoted eria, sam long ol remote eria mo sam long ol eria we oli no stap longwei tumas long ol taon.

Yu save kontaktem TRR blong oli helpem yu wetem ol kwesten mo komen long fom ia bifo dedlaen.

Tankio mo gud lak!